

36170



中国国家图书馆
NATIONAL LIBRARY OF CHINA

者平泉翠篠留傳銘石之詩白虎蒼龍臨湖署書之

是以監觴春帖揆飾華機重一字於蕭齋選十聯於

東殿又豔獨出之名工更

或衣之柳詩篇樹石之

備有班不家家盡月館

留鶴筆者也我

國天子蟠根仙李擢秀靈芝繼花萼之

比蘭成之射策未冠登朝當其奉繼承

容

園

盈

古



榕園楹帖



敘

昔者平泉翠篠留傳銘石之詩白虎蒼龍肇溯署書之體是以濫觴春帖挾飾華機重一字於蕭齋選十聯於宋殿上梁文豔獨誇花信之名折桂亭工更寫寶華之字或蠻女弓衣之製能繡詩篇或才翁樹石之題尙圍欄楯從未有班香宋豔家家盡寶驪珠月館風亭處處皆留鵠筆者也我

榕園夫子蟠根仙李擢秀靈芝繼花萼之交輝世家通德比蘭成之射策未冠登朝當其奉魁承杓書彤珥笏蓬閣論思之職薇垣歸娶之圖天上仙人宮中才子視



草三清之上乘槎八月之行見子晉者五稱五窮序王筠者一官一集時

朝廷擇安邊之守用侍從之臣 夫子握第五符行一

萬里攬轡有澄清之志下車先膏雨之來郡方旱公下車後大雨

堂必潤經齋無留事能銘能賦正當政化之成傳地傳

人不負江山之美榕園者二江雙流之所匯千巖萬壑

之爭奇 夫子手翦榛芳心關桃李創開講院精築名

園出奉錢而率提陀成廣廈而頒條教公捐廉千金有奇率所屬十

二土官同建陽明書院於榕園故址九經授譜兼牧長與師儒千里羸糧

及雄邊之子弟庭多都講樓有藏書法程課之分年試

文章之辨體

公自兼掌教刊立課程以教漢土諸生及十二土司子弟於常課之外月以一六

日講學四九日加課雜體又建藏書樓於院中盡取經史子集備之豫章庠序之士皆入

學臺蘇湖經義之齋又兼治事

公於陽明書院分十齋二十六軒而皆統於

實學實用二齋惟高朕修文翁舊室主善為師如韋皋為諸葛

後身有緣再至郡人以公化繼陽宜乎摩崖恰印三

百年之鴻雪重尋陽明先生平定思田歲在丁亥戊子與公在郡之年支干俱合公又

重募陽明紀功文刻於講堂亦墨緣也鑄礮來歸九千里之龍淵果合公

得王文成公所鑄小鐵礮考其欵識正嘉靖戊子平思恩時所造此其可傳一也分左

右生之學舍聽南北巷之書聲兩齋之士盈千雙字之

規如一公又建西邕書院分六齋二十四軒以書鹿課合郡童生嘗編榕園學矩西邕講授



中国国家图书馆 NATIONAL LIBRARY OF CHINA

洞教人之約西邕院中書規廣龍谿養士之田兩書院置田至數千

坵為膏又復振拔孤寒歲科兩試盡革苞作興蒙養念火之費

千萬間之廣廈儒館宜恢勸錄送者數倍胡增至二千恤千

十五所之連屯士鄉愈盛遷江十五所屯丁子孫至是

蒙泉養正已籌穀息之權輿郡中首建惠泉義學歲義

學連村先導蓮峯之耕讀有勸興義學甚廣謝祿材

法起邊城之絃誦文武橫經因開墾田塘為義學資遠近

學之官田倉箱積粟武緣縣新設雙江義學公以清

經費賓州新設瑯琊短檠聞讀都依種桂之亭西邕院

義學亦始籌有田租團扇分題齊會聽荷之閣丁亥六月公按

桂亭公所植也

諸生於賓陽書院是日即到處皆如雨化斯文將破天

荒此其可傳二也吾郡山多水少地坳民勞夫子十

部興農一心穿地催耕春早觀稼秋深田功最熟於諮

詢民事皆關其憂樂每見桔槔輪轉釣桿車成郡無水

特多作龍骨車釣導江上之溝渠諳田家之月令雙谿公

引派盡成飽水之田四境知勤爭迓勸農之使東西二

利自公發之行部所至四時勸是以刀耕梯種增一江得水

二歲之菑畬二年以來勸民陂復塘開報八百區之水

利各屬報興水利已野有再收之稻附郡向只一獲

民樹藝已亭成所憩之棠野白山土司王州同乃建所

皆豐收

憇亭於惠泉為郡人誌不忘也此其可傳三也清釐院餼清理武緣縣

火催葺儒巒催修遷江整齊禮器之碑捐修郡學改復

橫宮之路履勘武緣縣學宮文昌新構高懸奎壁之輝捐修郡學

郡南新建聚奎樓於二江合流之上廟廡重修校正祠官之版捐修郡學

補從祀諸儒並訂正祭儀之闕誤者且又通神節事執禮教申見百廢之

具修率庶民而經始望綠榕之城郭增煥神居捐廉倡

司同修新翠柏之祠堂更歌生日率修王文成公祠又

祠營三肘雲輪布請雨之經郡無龍神祠公始擇地

請雨經於漢土各屬并分度諸寺觀連年遂無旱災祀重百源風洞禮名山之廟

大名山為郡主山出雲降雨公會題表其廟率民修之小亭琢玉表宅里以懷賢

處指建琢玉亭以闡實學舊刹臨江復招提而考古復

水月菴存嶺山造塔硯池文筆之皆奇公率士民造

緣縣南題之樓閣凌霄名宦寓賢之並祀公率賓州

曰文江塔樓鏡湖閣因命分祀名宦三門五宅增培助於山川千

寓賢使州人知仰止也福一誠寄莊嚴於勝署此其可傳四也三命益恭五官

並用善判人倫之訟樂通農里之言銘戒石以常懸公

坐右懸山谷所書戒石銘以自警堂親民而不倦公題聽事處守坐

右吏師之訓眾已傳鈔吏師訓及門將求刊行公聞庭

前孝弟之詞人皆感泣教化多悔悟感泣者却衣不受

名存清德之樓去夏漢士民等相約以衣冠縑幣牲

牢酒米來獻公一無所受眾求築亭

四

志公德 勒石常新功在利民之渡涿良馬鞍各渡夫

復木之許 此其可傳五也世有恃聰明為椎拍鄙教化為迂疎

德之不修孚於何有 夫子樂情禮意明燭信符四時

登讀法之臺公於城南建一紙速置郵之令民奉惟

謹無敢 墟歌自息絕採芴之相翔禁止合墟唱巫蠱潛

後期 消罪埋桐之已獲公訪獲巫蠱不煩傳檄獠丁杜兩

尚之爭安定土司東西尚之將鬪盡革苛條牌甲順

十家之便公選徭長傳諭之而息爭鄉亭講約居廉

泉讓水之間法民以為便皆勒石遵守焉魁結通書過

虎落蛇鄉之外有十餘所皆讀公之教也懲所公

屬蠹役土目最 館舍隄橋皆有使君題蹟此其可傳六

也郡境東聯屯所西接滇山南至崑崙北極紅水負弩

者蠻司十二周輪者地域三千古所羈縻之州今盡併

幪之字 夫子風以禮樂澤以詩書熟習圖經博通蠻

語周知谿尚險夷之要多識草木鳥獸之名公嘗編

及思恩 閒嘗樓上等邊城頭鼓役近濬甘泉之井公

草木狀 城水備不可無井 遠尋順義之輒公得喬利舊郡城

及掘地果得甘泉 藏題積而但聞主戶之知恩不擾種人之納幪平安火

報十萬山共樂犁鋤柔遠城新九土司偕來馨鼓率九公

土司修葺郡城並建五城 親訪四營之蹟異代齊名公

樓及鐘鼓樓各題嘉名

訪得王文成四
營屯兵遺蹟
遙題半畝之園邊山生色
公嘗遙題

畝園雨
此其可傳七也郡之巖層岫衍石秀峯奇為謝
山亭

靈運之所未經有酈道元之所未註
夫子神心妙達

絕境新開造江干玉帶之橋收袖裏畫屏之景
榕園隔

公名之曰畫屏九松佳處踏青而春草皆香
丁亥上

處刻石曰蘭
雙燕來時照影於明漪絕底
城西燕作巖

卿所賞松石
來惠泉煮茗自添調水之符
惠泉有竹數十萬竿水味甚甘

亭
調水符
畫洞看花便蠟游山之展
畫洞中有村多花木

供淪茗
對龍潭而印月
公察水利至賞犀水以澄秋
縣至武

緣游靈屏
水甚賞之
訪釣臺於起鳳之山
公遊起鳳山課農事

於臥牛之石
城南勸農亭下有巨愛羅坡之圓海亦似

三山
羅坡之龍壑榕園之花縮疊綵之孤峯還題獨秀

城南有奇石
公俱題曰小三山
又或泉名琴筑
南曹泉以音勝水晶

愛之題曰獨秀峯
又或泉名琴筑
公改曰琴筑水晶

沈香
賓州沈香水選窠石於鴛鴦
江鴛鴦石詩玩洞天

於獅子
巖徧擗石刻立馬而窮八寨
先生行師處憑眺

久放魚而樂雙江
二江合流於榕園中春秋常出以觀

民山水亦驚為知己此其可傳八也因詩名屋上岸牽

船
謂詩屋樓屢觀風亭還賞雨
有榕園栽花已滿枕榔

成居士之林
公手種釋菜先春瓠葉習諸生之禮
有榕

園釋
菜園
官燭兩行之夜仍自修書
公築修志詩家一辦



之香疊為作主榕園迭作歐陽山風江月笛聲起水繪

之灘丁亥中秋樓散公玩月於所建山風春禊秋鐙簪盍

聚雲鱗之洞園中修禊事者二修燈酒釀公田之稊文

露生香公以園中水田之稻釀厨登晚圃之菘菜根

有味園中有菜香上元開醮鐙事尤新今年元夕張鐙

秋之景九日登高窻尊再醉兩年重九公率賓從出

邕各有唱篔竹度流觴之水東江水車引墨花灑洗硯

之池公之洗硯池于胥樂兮無非事者此其可傳九

也津梁路僻金石傳稀文章則萬古誰開碑板則百蠻

不識 夫子精心好古即事多欣無景不搜有碑必錄

石標萬歲窮十三堡以親尋公行邊至智誠崗得唐

粵中金石第一鼓敵千牛閱七百年而再出賓州適得

從無人知之者文獻入采風之錄留心

銅鼓上距宋元豐甲子賓州得文獻有碑銘考結草之菴公訪舊城土司石刻補前

采風錄碑銘考結草之菴得揚岑瑛結草菴記守之題名公補郡守發洪鐘之絕響新建城上鐘鼓

鐘晨昏考擊之洵皆天寶留待 公來此其可傳十也夫以政

經治譜比效於龔黃教澤文名希踪於韓柳宜乎境稱

慈父隣號神君居宇庇者寒暑俱忘經品題者山林亦

韻數詩諷諭歎服道州之篇片紙流傳寫貴洛陽之價

况此手題之跡皆 公身教之餘或楹櫺富於千言或

戶册備其八體懸橙自寫積玉皆珍久已過醴泉者求
馮伉蒙書至清水者識申徽墨蹟有不手鈔口誦腹詠
心歌者乎馨等朽木難雕拘墟最陋自侍春風之坐同
居夏屋之寬幸雩詠之皆從愧斑窺之已淺得門人寡
不才誰足以知師授矩恩深隨事可資夫識小謹將著
錄先刻梅檀合悅服之誠心開榜題之生面共喜三生
有幸見歐公泰華之尊從今萬本流傳勝陶弼邕州之
集

道光八年歲在戊子榕園著錄弟子李馨等聯句謹序

榕園楹帖

侯官李彥章撰

陽明兩書院弟子校刊

陽明書院

大門

台千里外東至屯所西至田陽俗喜儒風今已見從遊
多士

願十年後家有洙泗戶有鄒魯化行荒服我又宗先世
成公

服其教畏其神故非常之功必待非常之人徧爲爾德
官先事士先志有君子之詞而無君子之行莫入吾門



潤經堂 卽講堂

周二千里以觀風統思田之有土有人士尙能言舊德
後三百年而至郡繼教化於先知先覺我仍得與斯文
率土盡同文願此邦易俗移風欲使偏陋如上國
登堂能講學與多士敦詩說禮須知太守本書生
志於道據於德依於仁游於藝
晝有爲宵有得瞬有養息有存

崇報堂

祀王文成公於此

卓矣先生立德立功立言此之謂不朽
勗哉多士近智近仁近勇知所以修身

仁者愛人方知子弟田疇古稱遺愛

陽明先生生日題句

公之生日想見文章功業今尙長生

實學齋

劉略班藝虞志荀錄自昔有懷

集句

剛日讀經柔日讀史

朝經暮史晝子夜集以此爲法

十年樹木百年樹人

實用齋

以禹貢治河以春秋折獄以三百五篇爲諫書考古證
今致用要闢天下事

知聖賢源流知民物利病知四千餘年之得失先憂後
樂存心須在秀才時



忠信爲寶多文爲富

集句

爾諸生勿矜詞藻

書章銘先生詩句

先民是程大猷是經

凡讀書當看事功

題扁云繕性復其初窮理至于命
有欲勵進修志性道者居此軒

動成德言成文

達於性遂於命

文藝軒 題扁云萬言爲霖雨九能爲大夫
有欲多材藝能文章者居此軒

儒多文以爲富

名一藝無不庸

經義軒 題扁云正學十三經承師廿二子
有欲熟傳註勤考證者居此軒

爲諷諫之儒爲移風易俗之儒二千載詰凡六變

有敦厚之教有疎通致遠之教十三經義本同源

史論軒 題扁云上下三千年縱橫一萬里
有欲思稽古能論世者居此軒

史載筆士載言自昔懷劉略班藝虞志荀錄

知其人論其世是能讀三墳五典八索九邱

道古軒 題扁云文獻廿四門會要八百事
有欲考古制熟故事者居此軒

居近識遠處今知古

研經賞理敷文奏懷

通今軒 題扁云願讀中祕書能知天下事
有欲通典章嫻掌故者居此軒

不出門須通天下事

知朝廷要用讀書人



中国国家图书馆
NATIONAL LIBRARY OF CHINA

象輿軒題扁云有天文之學有地理之學有欲知乾象辨方輿者居此軒

鬪苞兼衍疇人學

寰宇宜知郡縣圖

倉雅軒題扁云字學首三倉訓詁起五雅有欲問奇字析疑義者居此軒

長向叢殘辨蚪蚪

不妨磊落註蟲魚

禮樂軒題扁云忠信為禮木聲音與政通有欲明損益知律呂者居此軒

忠信之人可以學

聲音相應主於和

兵農軒題扁云言兵古七書言農古九家有欲通解略講農桑者居此軒

閩外春秋關學問

田間風土重耕桑

知音軒題扁云三韻兼古今四聲辨等切有欲綜音學知合聲者居此軒

四聲義自三書異

兩界音由五部分

讀律軒題扁云讀書不讀律致君終無術有欲志皋蘇精杜鄭者居此軒

古有名流通法學

我求決獄用春秋

水利軒題扁云史記重河渠漢書志溝洫有欲講水事習宣防者居此軒

禹貢治河儒者事



中国国家图书馆
NATIONAL LIBRARY OF CHINA

水田興利老農心

算學軒題扁云隸首作九章蓋天述二卷有欲誦乘除律推竿者居此軒

芻萌隙積增勾股

裏綴縱橫證步天

金石軒題扁云鐘鼎冠禹金刻石兼漢畫有欲考欵識鑒碑帖者居此軒

漢鼓唐碑新著錄題云余下車賓州有銅鼓初出土按伏波南征已重此鼓其為漢器無疑

商金周石古文辭又以行部上林訪得萬歲通天二年石刻於智誠峒尤金石家所未見也

書畫軒題扁云筆法十二意畫學十三科有欲工鑒賞妙翰墨者居此軒

銀鈎寶繪通游藝

畫斷書評重鑒真

濂學齋題扁云書不盡言言不盡意此周子之學志此首居之

淤泥不染蓮同愛

意思都存草不除

洛學齋題扁云一成人材一嚴師道此二程子之學志此者居之

幾人得入春風坐

千載如游夜雪門

關學齋題扁云精思力踐妙契疾書此張子之學志此者居之

一室簡編堆左右

一銘義理證東西

閩學齋題扁云窮理致知註經翼聖此朱子之學志此者居之

須以經師兼道學

果然精舍似滄洲

鄭學齋

題扁云洽熟經傳網羅衆家此康成之學志此者居之

經到禮堂皆寫定

門尊通德有師承

許學齋

題扁云解說文字博采通人此叔重之學志此者居之

五經同異推儒術

六體源流聚說文

古學齋

題扁云修學好古實事求是此考古之學志此者居之

讀萬卷書惟好古

論千年事貴知言

詞學齋

題扁云通天地人兼才學識此詞科之學志此者居之

制科宏博先培俊

著作承明貴致身

選學齋

題扁云筆海前修江都覆注此文選之學志此者居之

六代文章承漢魏

五臣註本讓江都

詩學齋

題扁云刪雅籍頌研京鍊都此詩賦之學志此者居之

廿四體當知流別

三百篇可以興觀



中国国家图书馆
NATIONAL LIBRARY OF CHINA

銅鼓亭 道光六年下車賓州適出銅鼓距宋元豐甲子賓州出銅鼓之歲七百四十二年矣

七百卅載山川地寶重看銅鼓出

四十六碑文字師承須自石經來

綠竹長松間桃李 集宋句 古器得觀金馬式

玉簪羅帶巧谿山 集宋句 遠人同賦白狼詩

修志亭

江山得地開詩境 時有諸生來問字

文獻何人備史才 不安四壁怕遮山 集王禹玉陸劍南句

清坐使人無俗氣 集山谷劍南句

讀書何計策新功

觀瀾小榭 題扁云丁亥仲秋榕園張鏡是榭適成水月之佳得未曾有蘭卿並記

常倚曲欄貪看水 以多文為富 集宋句

忽逢佳士與名山 見大水必觀 集宋句

合江臺

二江雙流洪臺獨出 集句

諸子六藝古人與稽

藏書樓

蓄得奇書且勤讀

忽逢佳士喜同游 集故翁山谷句

檢點載書圖分祕閣芸香萬里攜來儲善本

流連聞讀地對名山樹影二江合處起高樓

鑑亭

若教閒裏工夫到

集范文穆朱文公句

爲有源頭活水來

玉笋池

擁石池臺約花欄檻

集吳夢窗張寄閔詞

檀欒金碧婀娜蓬萊

船齋

居然岸上牽船住

平底船真如屋裏

直與江南罨畫同

等身書尙憶童時

池邊小屋低於艇

吟院虛明如畫舫

修禊日集黃山谷蘇子美句

江上青山峭似詩

酒鱗環合起金罍

嵐漪詩屋

題扁云山谷題嵐漪軒在江西落星寺余奉使時嚮往之因以爲號今作斯室亦以誌詩緣也蘭鄉記

燕寢詠清香對小雨長江恰爲涪翁燃一瓣

山谷先生生日題句

鹿鳴歌衆雅布中和樂職漸看何武出諸生

地如山水匡廬借徼外林巒別開生面

歐文忠公生日題句

我慕文章太守聚江西香火不但詩緣

巾卷久留人磬鼓慙勤也比落星重結屋

弓衣知繡我吟牌唱和居然邊徼盡能詩

谷園集衍西江派

臨流賦詩



文字窗開東野詩

因樹爲屋

能令水石常在眼

池上新年有荷葉

任有閑忙不負詩

覺來滿眼是廬山

集宋句

集蘇

小雪浪齋

題云道光丙戌十二月十九日作坡公生日於郡中拜像賦詩蓋距景祐丙子七百九十一年矣次年三月蘇齋後處處有余詩緣也

滿眼谿山此地作東坡生日

十年香火有緣卽北地蘇齋

畫裏牕

畫裏移舟詩邊就夢

集宋人詞語

掃花尋徑撥葉通池

砥柱碧山石

題云此吾師北平公所贈楹帖也其言正大謹摹示院中諸生相與勗品慎交知所私淑耳蘇齋弟子李彥章謹記

結交青松枝

意釣臺

居士仁心到魚鳥

集宋句

古人名教自詩書

宏尊

安得山泉變春酒

盡移巖石作尊罍

小有池

三山島與圓靈水

萬古仇池小有天

知稼亭

題扁云開水田成乃作是亭當知田家風味也

經訓即蓄畬我欲課耕兼課讀

艱難知稼穡士無恒產有恒心

一段農家好風景

多識前言往行以畜其德

數椽茅屋淡生涯

集宋句

若農服田力穡乃亦有秋

觀穫臺

地有陂塘須日濟

學如耕稼待秋成

菜香亭

題扁云吾民不可有此色諸生不可不知此味小圃亭成書此蘭卿記

咬得菜根百事可做

坐此亭下衆山俱青

種桂庭

月宮移種新栽桂

集宋句

靈水先除滿眼花

看十萬山之樓

籌遠窮於千里目

一水護田兩山排闥

登樓看盡百蠻山

千巖競秀萬壑交流

清漣橋

泉在山中有本性



中国国家图书馆
NATIONAL LIBRARY OF CHINA

風行水上成文章

登瀛橋

虹彩雙橋鏡明兩水

砥碧山石登青雲梯

榕園講舍

茅瘴闢荒蕪難得邊人尤信道

榕村宗講授敢誇閩學有真傳

智欲圓而行欲方心欲小而志欲大

正其誼不謀其利明其道不計其功

榕園東門

更作園林負城郭

集宋句

祇今榕葉下亭臯

玉帶橋

畫橋碧陰明漪絕底

集詩品

綠杉野屋好風相從

畫屏山

人在畫屏中住

中秋張燈書蘇句

客依明月邊來

新添十竹皆紫玉

題云此出都時英協揆師書
賜楹帖也講堂坐對畫屏山讀
是語若先為之識者謹摹刻真
蹟於山中以志墨緣彥章敬記

怡對九峯如畫屏

三百三十三士修禊亭

道光丁亥上巳與賓僚諸生禊集於此因建是亭

羣賢畢至少長咸集地有崇山峻嶺茂林脩竹以極視聽之娛

爐烟微裊草木自馨人皆英詞妙墨好古多聞共此清適之樂

聊開禊席臨流水
又與風光作主人

戊子上巳修禊日集宋句

春草池

在畫屏山

池塘見說生新草

集連文鳳劉弁句

眼界初欣得茂林

竹所

在畫屏山

別開小徑連松路

集王半山劉後村句

忽有朱欄出竹間

詩興

樓臺四望煙雲合

集秦少游林景熙句

草木一谿文字香

柳隄

種樹先思十年計

放船留比六隄遊

松石處

題云蘭卿所賞松石



松下何時多結屋

石邊留客屢題名

文昌閣 一名聚奎樓扁曰奎鏗啟運

司命星文天六府

文昌八座鄰樞極 集宋句

環江樓閣海三山

阿閣三階敵井榦 集宋句

文昌朗曜魁三象

都邑競暄收杞梓 集蘇句

絕徼籌邊第一樓

文昌新構滿鸕鷀 集蘇句

龍神祠 扁曰行大慈力

漢土盡蒙麻夙夜誠祈千里曾求時雨若

山川洵得地祠臺經始二江相合出雲多

西邕書院

六門

院配陽明皆先生過化之地

教成鄒魯此初學入德之門

二門

禮門懸規義路植矩

修學童冠斟酌質文

正學堂

儒館闢邊城漸戶多絃誦士勵廉隅快養人材為世用

郡齋鄰講院喜公暇論經夜深聞讀不怠書味似兒時

修道堂

書不負人已看采藻采芹廿六士同登泮水
道若大路從此希賢希聖十三經卽是康莊

漢學齋

滂喜凡將三體字

經神學海百家師

宋學齋

奧窈辨圖書理數

淵源宗濂洛關閩

周易軒

知微知彰知柔知剛

尙象尙占尙詞尙變

尙書軒

書總百篇文章之祖

訓尊三極邱索皆芟

古詩軒

原於賡歌委於風雅

拾其香草銜其山川

三禮軒

體合四端源開三本



綱紀萬事彫琢六情

三傳軒

一事一例如觀山水

善經善識皆出春秋

通書軒

太極通書回環道妙

光風霽月灑落胸懷

定性軒

規圓矩方繩直準平

時雨春陽精金良玉

經傳軒

好學一篇流傳津逮

解經三傳體會精微

正蒙軒

反求六經訂頑砭俗

危坐一室左圖右書

大全軒

舊學商量新知培養

六經羽翼四子階梯

閑存齋



中国国家图书馆
NATIONAL LIBRARY OF CHINA

庸德之行庸言之謹
今人與居古人與稽

博約齋

欲博不雜欲約不陋
多見闕殆多聞闕疑

聚仁齋

戴仁而行抱義而處
有過則改見善則遷

和義軒

可與共學可與適道

不爲義疚不爲利回

明禮軒

有威可畏有儀可象
無本不立無文不行

藏智軒

大智若愚大巧若拙
勝怠者吉勝欲者從

履信軒

孝弟忠信禮義廉恥
允孚亶展謀誠亮詢



博學軒

尊其所聞行其所知
守之以約矢之以卓

審問軒

請業則起請益則起
容禮爲度容事爲誨

慎思軒

慎則寡尤慎則寡悔
職思其外職思其居

明辨軒

明則德昭聰則言聽
并以辨義巽以行權

篤行軒

忠信待舉力行待取
功崇惟志業廣惟勤

小學齋

十三年學樂誦詩早及方名數日
九千字書師童學兼求訓詁形聲

舉業齋

篇家筆十萬言霖雨要期才有用



讀經日三百字課程莫道久無功

游藝軒

六藝只由書計始

九年終有大成時

識字軒

先從揚子知奇字

要學歸公善古書

能賦軒

能讀千賦乃善作

自成一家始逼真

學文軒

文能換骨餘無法

學到尋源自不疑

集陸放翁句

春風亭

花木亭邊須趁春秋佳日種

芭蕉聲裏愛聽風雨讀書多

種桂亭

得與優游此亭而相樂

聞木樨香無隱乎爾

敢不封殖嘉樹以無忘

知菜根味不求於人

惠泉義學



中国国家图书馆
NATIONAL LIBRARY OF CHINA

大門

造物徧生才直與杭人多惠比
聖功先養正果逢山下出泉蒙

正蒙堂

頌其詩讀其書不知人是論世
人則孝出則弟有餘力以學文
朝經暮史晝子夜集爲學以此爲法
子孝臣忠師嚴友信立身之要如期
尊君親上然後興學
夙興夜寐無忝所生

郡署

大門前柱

典郡非難盡一片誠心須求實政
安邊無事願四民樂業不到公庭

大門

置郡古雕題四百年風氣初開旣庶正當加富教
關心吾赤子二千里官民相樂此來方不負江山

二門

酌水志無他漢土官民能信我
開門心共見事情曲直不寬人



大堂

未冠登朝幼而學壯而行矢實心以教士親民便是書生
經濟

近臣出守仰不愧俯不怍凜溫語而顧名思義如臨咫尺
天威

親民事堂

政必實心必虛每逢牧長師儒要問干旌何以告
民吾胞物吾與雖及獐狼獾獮莫言痛癢不相關
人動如煙我靜若鏡
恕能成德儉以養廉

潤經堂

題云余出守日取漢書語以名其堂 英湖揆師為題
三字既至郡乃顏於燕坐之堂經術吏事當以自勗

以經術潤飾吏事

視已成事

近文章砥礪廉隅

讀未見書

無留事齋

題云是齋為 曹太傅師所賜題敬錄 先司馬公吏師箴
併懸座右奉 師訓而讀 父書不敢不勉爾 彥章謹記

遠宦益思恩十五年綸閣樞垣立志早從髻冠日

清芬須善繼三百字政經家訓當官惟守吏師箴

東南城新建鐘鼓樓

句裏江山隨指顧

集宋句

城南鐘鼓闢清新

東城新建班春樓



千里三農同樂歲

一年兩度此行春

題云余到官之明年一歲再逢立春是樓適成題此

南城新建曾薰樓

爲政當如風長養

所薰先發善萌芽

西城新建鎮邊樓

到處百蠻知北嚮

秋來一味樂西成

北城新建拱辰樓

丹微諸星朝北斗

青山一髮望中原

城南新建讀法勸農亭

承

帝曰咨胥保惠胥教誨從欲以治時乃休

命農勉作無曠土無游民自今伊始歲其有

集句

新修城隍廟

彰輝賴昭靈此邦可俗易風移令行禁止

幽明同守土所願在邇安遠肅人壽年豐

新修王文成公祠

七萬人相慶更生計農桑教化兵防名世允推儒作將



十五卷共尊遺集兼道學文章經濟此邦尤願士希賢

新修大名山廟

民思其祀祠宇斯立

集句

山不在高有仙則名

武緣縣小陸墟文昌閣

星文六府成天象

雲洞三峯得地靈

武緣縣鄉宦村西江廟

淨樂託三天水宿虛無歸北極

神絃歌五姓地靈奇秀占西江

賓州太守塘文昌閣

奎壁起文光名在瓊綱司桂籍

山川培秀幹地鍾石鼓聚芸香

上林縣白墟陳文恭公祠

蕉荔報新祠歲作雨霖原傳相

梓桑誇舊部人思功德比韋丹

賓州陳村陳文恭公祠

相業昭垂仰天上騎箕遺愛至今留百粵

民心崇報作人間膏雨奉祠自古比三公

郡城南重修古水月菴



中国国家图书馆
NATIONAL LIBRARY OF CHINA

法界現莊嚴正蓮宇修成仍放毫光開水月
荒田徵古蹟近榕園佳處重新名勝助江山

郡西聽泉亭

新建於惠泉之上

絳竹朱欄新映帶

石上泉聲雨前茶味

風巖水穴久知名

隔江綠樹繞屋書山

所憩亭

白山土司王言紀建於聽泉亭之左前題句曰此地林泉圍萬綠與公心跡印雙清

主戶竟煩磬鼓至

憩亭原與惠山同

江南惠泉之上有憩亭因題

山風江月樓

春山煙夏山雨秋山雲更愛樓居如畫好

三分竹二分水一分屋果然風景本天成

清風明月本無價

小住爲佳江山風月本無常主

近水遠山俱有情

會心不遠鳥獸禽魚自來親人

燕來亭

新建於城南燕子巖

四面亭虛看萬壑交流千巖競秀

二分春到正小桃開後雙燕來時

賓州新建紫翠樓

頓看平地樓臺起

忽送諸峯紫翠來

賓州新建鏡湖閣



鏡中金碧臨江閣

四面澄波映天碧

題云此古澄碧亭地也今改建為閣仍集宋句題之以紀古蹟而存舊名

湖上青山負郭田

小亭巖絕出雲間

賓州聽荷小閣

眼明小閣浮煙翠

題云道光丁亥六月按試賓州以是月二十四日登聽荷小閣集賓僚及

身在荷香水影中

各邑諸生作荷花生日時阮春畚刺劉夢庭三明府皆不期而會一時之盛眾賓俱驩余先賦二詩及荷花生日詞十六絕句坐客皆和之既題扁榜曰荷花世界集東坡誠齋詩句懸諸閣中庶後之覽者知太守此來之載酒賞花而樂與川人留詩話也榕園居士彥章弁識

武緣縣小陸墟新修宣讀

聖諭亭

聖訓敷言知道在倫常業先耕讀

民勞恩善願人勤守隘俗革歌墟

武緣縣馱閩等村勸農亭

西邕書院耕丁賓州等邑民人唐王祿等公建

如意減租徭十二村中爾宅爾田保汝兒孫長足食

赴功煩版築三百里外某山某水守吾條約即良民

相友相助無出鄉地有公田同井好

濯足濯纓惟自取我知泉水在山清

武緣縣伏康村勸農亭

村人謝孔倡等公建其亭旁新開田塘題曰豐農

載酒徧催耕願無忘兩字豐農為政先勞原自近

索綱仍合力正難得一家和氣力田孝第本同科



中国国家图书馆
NATIONAL LIBRARY OF CHINA

武緣縣林村勸農亭

村人林喬棟等公建

雍睦八家同能服先疇頗有鄉風安古處

畚耨三歲始永除後患斷無地角累升科

賓州勸農亭

合州士民公建於州南大道廟之左旁有喜雨勸農二詩碑刻

萬二千家爲鄉看水田再熟溝洫交流到處爭留吾所

憩

三百六旬成歲憶春晚觀風秋晴喜雨連年頻與爾相親

上林縣勸農亭

合縣士民李瀛等公建

地利極膏腴十萬山近繞澄江今年喜雨足田肥人和

歲稔

邊情思體察三百里親來行縣到處得與農課士問俗
觀風

武緣縣新設雙江義學

城有絃歌復社學公田願比陽明願教約
道如淵海愛文江靈水先聞孺子詠滄浪

賓州新設瑯琊義學

地稱齊魯遺風向四覽尋源略仿古時州有序
我勸師儒設教視三年敬業要求初學德之門

田州土州新設文同義學



中国国家图书馆
NATIONAL LIBRARY OF CHINA

格
考十九司
俗
通一萬里象胥文字到處有佩觿佩觶邊城能識諭蒙
書

田州土州新設武成義學

一心重學校人文化徧徼絃歌種落有民皆率教
四面盡滇黔門戶告雄邊子弟太平無事好通經

郡署聽訟堂

公評任聽輿人論
和氣常存法吏庭

采風絕徼籌邊畫

懸鏡虛堂折獄心

新建思恩府試院大門

選士宜寬况英華漸出山川特闢此萬千廣廈
讀書不易願去取只憑文字莫負他八百孤寒

試院二門

藻鑑公明兩重門使節風清此地本無蹊徑
學庭顯敞十六屬士鄉口盛極邊猶有弦歌

試院大堂

於人何所不容告牧長師儒多備輜軒三歲選
有本是之取爾先詩書禮樂須知根柢六經來

賓州紫翠樓

是樓命州人祀名宦於此



流風善政猶有存者到於今受其賜
焜蒿悽愴若或見之微斯人誰與歸

賓州鏡湖閣是閣命州人祀寓賢鄉賢於此
地有寓公賢便足壯山川文采
名推耆舊傳願無忘桑梓敬恭

榕園燈事附鈔

戊子元夕榕園燈聯

煙徼古荒田忽有園林春富貴

門外燈坊

鐙宵新節物便知漢土歲豐登

衆人熙熙如春臺喜富歲常逢二千里能同民樂

大門

於我渠渠乎夏屋願元鐙特出四百年要破天荒

蟾桂宵圓多士何人同折桂

二門

鶯花春早名園如畫正探花

簪到上元花與人說鏡舫鐙毬同向曲江春醺去

撒將閩海荔此地對屏山帶水又添明月夜珠來

潤經堂



中国国家图书馆
NATIONAL LIBRARY OF CHINA

放榜蕊珠宮但望同時登紫府

實學齋

讀書齏粥夜須知有味是青燈

花信方春先廿四番催桂信

實用齋

杏園他日合三百士出榕園

夜宴憶崑崙七百年留銅鼓式

銅鼓亭

春城聞鼓笛十三仙似幔亭秋

陽春召我以煙景

陽明書院後堂集句

明月入戶尋幽人

有月有鐙成綵宴

清澗橋

聽風聽水作霓裳

芙蓉人鏡開樽待

登瀛橋

紅燭修書方得地

修志亭

桃李春園秉燭遊

金蓮歸院待承恩

六柱船頭春水宅

鑑亭

春雪弓衣傳徼外

船齋

萬窗花眼夜山圖

畫船燈火夢江南

天上藜光分秘閣

藏書樓

人以榕園為福地

觀瀾小榭

日南花豔入春燈

天然花月在春江

綠樹紅燈樓閣

合江臺

玉簪羅帶谿山

四面樓高先得月

聚奎樓

三元花麗正爭春

月華圓滿三湖水
看十萬山之樓

鐙影全收十萬山

田有十雙將課稻
知稼亭

月當三五正傳柑

新綠水生春釋菜
菜香亭

小紅橋近夜看花

萬影樓臺花外出
玉帶橋

六隄金粉畫中來

問月賒晴憑春買夜
畫屏山集宋人詞句

掃花尋徑隔水呼燈

陽明書院扁額

通經致用

道光丁亥八月
總督兩廣使者李鴻賓題

率土同風

道光丁亥孟夏
巡撫粵西使者蘇成額題

化紹真儒

思郡舊有陽明書院歲久無可考道光丙戌
李

蘭卿同年以鳳閣仙班來守是邦下車伊始捐資

重建備籌膏火廣設齋房振興文教培養人才允

紹前徽用誌不朽



中国国家图书馆
NATIONAL LIBRARY OF CHINA

賜進士出身翰林院編修兼修

國史廣西督學使者年愚第周作楫頓首拜題

化衍姚江

道光丁亥孟夏 私淑弟子錢唐潘恭辰敬題

教闈同文

道光丁亥孟夏 西吳葉紹本

江山養秀

道光丁亥暮冬朔日 廣西分巡右江兵備道覺

羅莫爾賡阿拜題

西邕書院扁額

敬業樂羣

道光丁亥仲秋 總督兩廣使者李鴻賓題

遊城絃誦

道光丁亥四月 巡撫粵西使者蘇成額題

闢館培英

思郡西邕書院舊有廳齋數間經蒙兼附地窄人

稀道光丙戌同年侍讀 李蘭卿太守莅任之初

捐買民房添置講堂齋舍數倍於前氣象堂皇規

模整肅捐廉延師專課應試諸生其蒙童另設義

學殫心籌畫夙夜不遑余歲科兩試院中獲雋者



中国国家图书馆
NATIONAL LIBRARY OF CHINA

竟至數十人之多士林翕然頌
李太守之功因
書額以記其盛

賜進士出身翰林院編修兼修

國史廣西督學使者周作楫頓首拜題

邕管敷文

道光七年四月 廣西布政使錢唐潘恭辰題

愛親敬長

道光丁亥孟夏 弁陽葉紹本題

童冠齊業

道光丁亥暮冬朔日 廣西分巡右江兵備道覽

羅莫爾廣阿拜題

陽明書院堂聯

心學揭良知憶當年息馬投戈頓化遐陬成類壁
教思追大雅欣此日橫經鼓篋共歌樂職布中和

道光七年季春穀旦廣西按察使歸安葉紹本題

西邕書院堂聯

賀水溯遺封八千里遠隸邊庭文軫至今通桂管
台山留講席二百年久陶元化禮堂終古衍薪傳

道光七年三月之吉廣西提刑使者吳興葉紹本

按古有禁扁之書專紀署書而作宋張丹霞建

龍谿書堂於宜州有圖刻石備載規制形勝至今猶存誠有念乎締搆之難而益誌以流傳之遠也同門諸友既校刻吾師自撰楹帖因議並彙講堂聯扁以示後來庶大府嘉善之心與吾師養士之意相得益彰覽是編者能不嚮往榕園如遊堂室耶受業吳士魁謹識

嵐漪詩屋

在郡廨西郡中士民同建

始可與言詩願偕二三子同心和聲鳴盛

於我乎夏屋安得千萬間廣廈大庇歡顏

吾師自題楹帖

道光丁亥三月吾郡士民等公建嵐漪詩屋爲吾

師榕園夫子論詩講學之地落成後吾師允衆請

題一聯並自跋於楹帖曰道光丁亥暮春郡之人

士爲余建嵐漪詩屋於郡中爲燕坐講學地用意

甚厚而趨功甚勤止之不可既見士民之直道抑

余之獨有緣於此邦也因日與郡人論詩每月數

至於此乃書楹帖懸諸楣簡以記歲月且使邦人



知太守講學之餘不忘詩教而日望好古者之有人也是年九月九日西邕院中賞菊後書此讀公之語知公之心吾儕可不勉哉謹鈔錄授刊而以郡人奉揚之聯句附鐫於後後之覽者庶有考焉受業梁源濟黃彩衢潘增元曾文士周建業謝清同敬識

公如稷契皋夔由侍從清華來宣德化

士民等同頌

我有田疇子弟感實心教養願報長生

庭下已生書帶草

兩書院著錄翁子謹集蘇句同鐫

壁間惟有使君詩

慶江楹帖附鈔

慶江書院弟子校刊

慶江書院講堂

前一千年舊置宜州起馮黎科第黃趙書堂遺澤至今誇桂海

行六百里移權鄰郡喜五馬西來七經東授諸生親我似榕園

山谷祠

直道莫能容却聽雨登樓薄醉平生無此快
大名長不死慕落星結屋論詩異代久相師



慶江在中附金
載酒爲公來率儒服儒冠仍似舊開詩屋宴
僦居無地住占宜山宜水却教長祭墨池田

郡署大門

保赤切誠求有心問富教根原本不在二三文告
安邊籌遠計此地是粵黔門戶况直通八萬苗山

郡署二門

聽訟猶人是曰是非曰非要與斯民存直道
既富方穀樂其樂利其利莫因細故到公門

郡署大堂

徧徼屬羈縻有土地有政事有人民欲周知谿崗山川

莫恃能窮千里目

在官無久暫胥訓告胥保惠胥教誨皆不出農田學校
但思多盡一分心

郡署二堂

恒產有恒心水火金木土穀惟修九歌用勸
異民無異教猺獞狼獠狔獯雜處一視同仁

郡署籌邊樓

粵界金江黔界丹江極邊兼谿崗軍民鄰省須知千里
險

邕屯全將宜屯半將到處作太平官府登樓閒看百蠻



山

百花亭

出郭近田家正麥熟風涼荷喧雨到
作亭依畫本恰水將綠繞山送青來

谿山第一樓

在百花亭後勸農日登樓題

風土得周知喜父老常言盡說農桑皆實事
谿山留小憩任雲煙過眼有情魚鳥亦親人

跋

昔申襄州題詩清水亭民以爲是其手蹟競傳寫之韋
景駿重至肥鄉時童稚相語謂長宿傳說廡宇學堂館
舍隄橋並是明公遺蹟不覺欣戀倍常

建勳

竊嘗讀史

至此心嚮往之輒歎官民相得之樂何其能至於斯也
吾郡在京師萬里外教學無所授官民不相親自吾

師榕園夫子之來也創書院設義學勸農桑教樹藝興
水利編保甲鋤豪蠹破巫蠱清獄訟安土司凡所設施
皆務其遠者大者自城垣樓櫓宮試院以及壇壝祠
廟古蹟橋梁又皆爲之經營而修建之三年之內百廢



中国国家图书馆
NATIONAL LIBRARY OF CHINA

具修窮陋之邦忽爲樂土蓋爲斯民籌教養厚風俗者
丹青神化又豈俗吏所能爲耶開榕園濬惠泉闢畫屏
山營燕子巖山水之奇得公而發春秋佳日輒率吾
黨游宴而教之爲詩遠及十二土司之家亦各許其子
弟來從學言教身教允不愧爲一郡之師又嘗廣送考
之額至數千名使寒畯得自試尤從來所未有也士民
沐膏浸仁不知所報既作勸農之舍相望於鄉且爲築
所憩亭建嵐漪詩屋其遠近之來奉衣冠羊酒爲壽者
公盡却之於是惟躋堂致語稍自抒其衆心愛戴之
誠時武緣縣之民曰化繼陽明賓州之民曰實心教養

上林縣之民曰公明廉正遷江縣之民曰治本經術田
州土州陽萬土州上林土縣暨白山興隆那馬定羅舊
城下旺安定都陽古零九土司之民曰仁周邊土於戲
民之爲是言者其詞愈質其善愈彰其事迥異於世俗
要結阿諛之所爲有識者卽可以想其仁心仁政於語
言文字之外矣公治事最勤官書皆所自治創輯府
志亦必手修其教士之書曰榕園學矩曰西邕講授曰
惠泉蒙養編曰榕園識字編曰榕園辨韻編凡有營建
及登臨之地又留銀扁署楹帖不可勝數是編卽其一
斑也今歲之夏同門於公移權宜州時求刻公之



詩文而未得請乃先輯錄聯榜而授之梓庶幾家有其
書德音不忘視諸此矣建勳生長邊陲公下車觀風
日披取第一每有課試輒優異之俾冠其曹教之誨之
始得僥然列鄉舉於公獨蒙國士之遇尤有不容已
於言者今公方權觀察於桂州郡人冀公之歸而
又祝公之擢去思孔切以視古之申襄州韋景駿更
有依依者咸將持此一編以尋題蹟加寶護焉尤不止
於勿翦甘棠也

道光戊子十月既望受業弟子周建勳謹跋

跋

吾郡與思郡接壤而界於紅水江三年來聞鄰郡有賢
長官皆恨不得往受一塵者久矣歲戊子之三月大
府從輿望始奏調我公權守慶江於是士樂出於其
門民樂居於其宇公下車先布條約與民相親聽事
必坐堂皇又與民相見乃次第觀風俗清案牘行教化
明人倫恤土司除積弊旬月之內庶政一新慨夫慶江
書院之闕如也改闢正門而埽除之選諸生令住院籌
補其膏火之闕額者數十名公暇升堂講學雜試詩文
程課肅焉嘗以山谷生日大會賓從集於龍谿書堂之



祠衣冠與祭者數百人爲從來所未有親查祭田之湮沒者籍於所司遴董理之人定條規俾勒守且會捐廉獨修郡學之文廟宮牆奐然訪求張南軒先生宜州新學記碑始於取土時掘地得之破裂九段嵌補復完樹於戟門觀者雲集理學名蹟越六百五十年而顯於人間此尤修廢舉墜之大者惜乎在官三月代者已至公所糾新郡志之誤者數十事而不及重修其議開龍川水井塘爲附郡水利計者亦垂成而中輟士民攀留不獲旣以公勸農之作刻於百花亭臨行爭酌龍泉之水奉公謂其清有如此至於郊餞巷送者沿村不

絕父老相語謂此真閩古阿孀從無如此憂勤爲官者蓋吾郡方言謂爾曰悶我曰古父母曰阿孀民之贊矣情見乎詞非甚愛戴之深孰能與於此耶公所至多題刻且善爲榜署書在郡時徧遊南北二山又剔出名人題字甚夥郡人之知風雅將自此始矣會人鶴等以秋試

赴桂林遇思郡人士談公治思之政又得見其書院

所刻榕園楹帖裒然成書因僉議並以公在吾郡所

題者附錄其後漢書曰來何暮又曰去見思高山景行

惟公有焉人鶴等侍坐日短無足知師而竊念得

登龍門不爲緣淺且攜此本以去見紗籠楯護之處卽



不啻身與榕園學侶之同聚一堂也

道光戊子八月既望慶江書院弟子姚人鶴等謹跋



中国国家图书馆
NATIONAL LIBRARY OF CHINA



中国国家图书馆
NATIONAL LIBRARY OF CHINA